

周禮故書疏證

疏證卷一

臨海朱世榮學

官豕宰

聯 〔註〕古書連作聯

釋詁古故也賈疏言故書者鄭註周禮時有
劉向未校之前或在山巖石室有古文考校
後爲今文古文不同鄭據今文注故云故書○鄭
謂聯讀爲連說文耳部聯連也五經文字耳部聯
古連字

二曰嬪貢 〔註〕嬪故書作賓

釋名釋親屬嬪賓也

小四曰聽稱責以傳別 〔註〕傳別故書作傳辨

篇首辨方正位 〔註〕辨別也秋官朝士有判書以治
註故書判爲辨辨讀爲別史記樂書其治辨者其
禮具徐廣曰辨一作別

六曰廉辨 〔註〕杜子春云廉辨或爲廉端

世犖案古辨字通作平端有平義亦音之轉

七事者 〔註〕七事故書爲小事

杜子春云當爲七事書亦爲七事

庖賓客之禽獻 〔註〕獻古文爲獸

杜子春云當爲獻世犖案獻獸形近經典多用禽

獸字罕見禽獸者故傳寫或譌

師甸祭祀共蕭茅 〔註〕鄭大夫云蕭字或爲蒿

先鄭謂蒿讀爲縮引齊桓公無以縮酒杜子春讀爲蕭詩伐木傳湑蒿之也釋文蒿與左傳縮酒同說文艸部蒿字引春秋傳無以蒿酒今左僖四年傳作無以縮酒詩七月九月蕭霜傳蕭縮也論語季氏而在蕭牆之內也鄭注蕭之言肅也世學案蕭縮亦音之轉

酒正共其計酒正奉之 〔註〕故書酒正無酒字

人正歲 〔註〕故書正爲政

小宰聽政役以比居註政或作正地官族師各掌其族之戒令政事月吉註杜子春云當爲正月吉夏官都司馬以國濫掌其政學陸德明本作正學小戴記深衣以直其政註政或爲正論語政者正也荀子非相篇正令是也註正或爲政詩節南山不自爲政小戴記緇衣引作不自爲正書舜典以齊七政史記律書作七正又湯誓而割正夏史記殷本紀作割政小戴記月令班馬政呂覽仲夏紀作班馬正史記始皇紀名政徐廣曰政一作正

人
通粉餐

註故書餐作茨

養茨俱从次聲詩甫田如茨如梁傳茨積也釋名
釋飲食養漬也義亦得通

雁醢人雁醢〔註〕故書雁或爲鶉

庖人六禽雁鶉若首故傳寫或混

榘榘設榘榘再重〔註〕故書榘爲柜

司會參互修閭氏互榘〔註〕並云故書互爲巨文選
藉田賦掌舍設榘〔註〕引周禮設榘柜再重杜子春
讀爲榘榘是李善猶據故書本矣

爲壇墠宮棘門〔註〕棘門或爲材門

詩斯干如矢斯棘韓詩棘作枋聲類枋古材字

玉則共珠槃玉敦

〔註〕故書珠爲夷

世罕

案篆文朱夷形近禮經多用夷槃字故傳寫

或譌又易雜卦明夷誅也夷朱亦音之轉

外府共其財用之幣齋

〔註〕齋或爲資

司農謂今禮家定齋作資後鄭謂齋資同耳其三

以齋次爲聲從貝變易古字亦多或又典婦功女

功之事齋典臬以待時頒功而授齋〔註〕並云故書

齋爲資掌皮則會其財齋〔註〕鄭司農云齋或爲資

春官巾車入齋于職幣〔註〕杜子春云齋讀爲資儀

禮聘禮問幾月之資〔註〕古文資作齋少牢饋食資

黍稷于羊俎兩端註今文資作齋漢書霍云病傳
爲遣大官齋數十乘師古曰齋與資同

司會以參互考日成 〔註〕故書互爲巨

秋官修間氏互櫟註故書互爲巨

司書受其幣 〔註〕故書受爲授

鄭司農云授當爲受典婦功凡授嬪婦功註授當
爲受聲之誤也地官大司徒使之相受掌葛以權
度受之註並云故書受爲授春官司儀授幣註授
當爲受儀禮特牲饋食主婦拜受爵註今文授爲
受又大射儀坐授瑟庖石經作坐受瑟小戴記月

令授車以級呂覽季秋紀作輿受車以級

職而與其錄〔註〕故書錄為祿

孝經援神契祿者錄也詩小戎傳歷錄釋文一本

作歷祿荀子大略注引新序以綠圖為錄圖御覽

引韓非作祿圖淮南子主術訓捷疾劬錄泰族訓

作劬祿

司則共熊侯豹侯〔註〕故書則共熊侯虎侯

杜子春云虎當為豹山海經西山經南山多猛豹

註豹或為虎世筆案唐人諱虎字多改作豹此杜子春說當為豹非避唐諱也

廣裘〔註〕故書廣為淫

鄭司農云淫裘陳裘也說文广部廡陳與服于庭也春官司服廡衣服大師廡作匱諡夏官司兵廡五兵故書廡並作淫考工記匠人善防者水淫之註淫讀爲廡

^掌皮則會其材齋註齋或爲資

見外府共其財用之幣齋條

^內宰以作二事註故書二爲三

考工記梓人觚三升韓詩說二升曰觚小戴記郊特牲尊賢不過二代註二或爲三

出其度量淳制註故書淳爲敦

杜子春讀敦爲純地官質人壹其淳制註杜子春
云淳當爲純惠徵君棟古義引管子作綽制檢管
子君臣註綽古准字世準案准乃準字之俗荀子
君道以準槩爲敦槩亦其證也

九
嬪贊玉璫註故書玉爲王

說文玉字偏旁不加點李陽冰曰王中畫近上王
者則天之義王三畫正均如貫玉也漢書藝文志
論語齊二十二篇多問王知道今檢逸論語見於
說文初學記太平御覽等書皆詮玉之說王伯厚
以爲疑卽問玉又荀子王霸篇改王改行也註引

國語改玉改行呂覽首時亦不忘王門之辱世榮

案卽玉門字春秋左成二年傳齊侯朝於晉將授

玉漢張衡以爲尊晉侯爲王亦字誤也

功與婦及內人女功之事齋註故書齋爲資

見外府共其財用之幣齋條

典以待時頒功而授齋註故書齋作資

見外府共其財用之幣齋條

人喪綖棺飾焉註故書焉爲馬

大戴記王言雖有國焉家語王言解作雖有國之

夏馬春秋左襄二十八年傳慶氏之馬善驚昭四

年傳恃險與馬二十年傳不腆先人之產馬唐石
經馬並作焉

衣翬柳之材

〔註〕故書翬柳作接櫝

鄭司農云接讀爲𨔵櫝讀爲柳引櫝弓曰周人簪
置翬春秋傳曰四𨔵不蹕今左襄二十五年傳作
四翬不蹕又春官喪祝註周人之葬牆置𨔵釋文
𨔵本亦作翬漢祝睦碑萋萋以席隸釋萋與翬同
詩關雎傳苻接余也釋文本作萋茶荀子禮論皆
有萋萋文章之等註萋萋當爲萋萋小戴記櫝弓
設萋萋註周禮萋作柳此故書作櫝蓋古時字

人染夏纁立 〔註〕故書纁作𦃟

玉篇黑字𦃟字作𦃟與說文𦃟字同義與纁無涉
蓋古書形近而譌

夏以乘車建綬 〔註〕故書綬爲綬

儀禮士虞禮不綬祭 〔註〕綬當爲墮廣雅釋詁遺墮
儀禮士喪禮 〔註〕綬之言遺也
世舉案綬卽綬字

周禮故書疏證卷一終

門人同邑彭應履上校

周禮故書疏證卷二

臨海宋世榮學

地官司徒

序廛人 〔註〕故書廛爲壇

載師以廛里任國中之地〔註〕故書廛或爲壇管子五輔篇利壇宅荀子作定廛宅

泉府 〔註〕故書泉或作錢

小戴記檀弓〔註〕古者謂錢爲泉國語周語景王將鑄大錢〔註〕古曰泉後轉爲錢天官外府〔註〕引作鑄大泉史記天官書下有積錢徐廣曰錢古作泉字

餽人 〔註〕故書餽作饌

下叙次正作饌人說文食部饌或从熙作饌或从米作糒儀禮特牲饋食主婦視饌饌饌註古文饌作糒周禮作饌

大司徒

五日以儀辨等

註故書儀或爲義

春官小宗伯肆儀肆師治其禮儀典命掌諸侯之五儀故書儀並爲義肆師註古者書儀但爲義書文侯之命父義和鄭註義讀爲儀又大傳尚考六室之義註義當爲儀詩楚茨禮儀卒度韓詩外傳作禮義崧高我儀圖之陸德明本儀作義小戴記緇衣臣儀行註儀當爲義樂記制之禮義漢書禮

樂志作禮儀漢書鄒陽傳褒義父之後師古曰義讀曰儀楊信碑追念義刑亦以義爲儀字

正日景以求地中

〔註〕故書求爲救

書盤庚器非求舊蔡邕石經作器非救舊惠徵君棟謂此救字當作殺古文求是也

使之相受

〔註〕故書受爲授

見天官司書受其幣條

小司乃分地域

〔註〕故書域爲邦

世榮

案漢高祖諱邦故尚書協和萬邦等字史記並作國漢書高祖紀註師古曰邦之字曰國者臣

下所避以相代也汗簡引義雲章堊古國字

師鄉與其輦輦註古文輦作連

春官巾車輦車組綽釋文輦本又作連易蹇卦往蹇來連虞翻讀連爲輦莊子讓王民相連而從之釋文引司馬註連讀曰輦小戴記明堂位夏后氏之四璉陸德明本作四連韓勅碑胡輦器用隸釋以爲卽瑚璉字說文糸部連負車也車部輦輓車也知連輦實一字矣

執斧以涖匠師註故書涖作立

司市市師涖焉春官大宗伯涖玉鬯註故書涖並作立史記蔡澤傳明王立政索隱立涖也呂覽制

樂周文王立國八年韓詩外傳作莅國

巡其前後之屯

〔註〕故書巡作述屯或爲臀

白虎通巡守巡者循也儀禮凡述命之述註並訓

爲循○鄭大夫讀屯爲課殿杜子春讀爲在後曰

殿世犖案古殿字从屍屍古文臀字釋名釋形體

臀殿也

夫鄭大

五曰興舞

〔註〕故書舞爲無

馬融論語註引此作興武小戴記禮器詔侑武方
註武當爲無

師族各掌其族之戒令政事月吉

〔註〕故書上句或無事

字

見天官凌人掌冰正歲十有二月條

春秋祭酺亦如之

〔註〕故書酺或爲步

杜子春云當爲酺後鄭謂校人職又有冬祭馬步則未知此世所稱蠶螟之酺與人鬼之酺與檢夏官校人疏馬神稱步者謂若元冥之步人鬼之步之類大戴禮步於山川亦其字也

〔閒〕既比則讀澶

〔註〕故書既爲暨

書皋陶謨暨稷播詩譜疏引作既稷播後漢書馬融傳鐘鳴既觴〔註〕流俗本既字作暨

唐武德三年置暨陽卽晉

之既
陽也

釼撻罰之事

〔註〕故書或言釼撻之罰事

舞師

教皇舞

〔註〕皇或爲聖或爲義

春官樂師有皇舞〔註〕故書皇作聖小戴記王制有
虞氏皇而祭陸德明本作聖說文羽部聖讀若皇
或爲義者義爲古儀字爾雅釋詁皇皇美也小戴
記少儀言語之美等美字〔註〕美皆當爲儀

牧人

毀事用尢

〔註〕故書毀爲𠩺尢作尢

倉頡毀破也法言剛則𠩺〔註〕𠩺破瓦又破罍也據
此知毀𠩺一義又廣雅𠩺𠩺並訓爲裂此毀字〔註〕

謂副辜候禳毀除殃咎之屬副卽劈字也○註彪謂雜色不純文選四子講德論厖眉耆耆之老註厖雜也春秋左襄四年傳圉漢書人表作厖圉師載以廛里任國中之地註故書廛或作壇

見上序官廛人條

任近郊之地

註郊或爲蒿

穀梁春秋桓十五年公會齊侯于蒿公羊蒿作鄒左文三年傳及郊史記秦本紀作及鄒

任稍地

註稍或作削

天官大宰家削之賦釋文削本亦作稍又作鄒說

文邑部郇國甸大夫稍稍所食邑引周禮任郇地在天子三百里之內

惟其漆林之征

註故書漆林爲漆林

說文漆部漆木汁可以髹物象形漆如水滴而下又水部漆水名今漆泉梓漆等字經典多作漆反以漆爲古字矣

遺人

以恤民之艱阨

註故書艱阨作摧阨

艱籀文艱字艱摧字皆从堇亦聲之轉

以待羈旅

註羈作寄

註羈旅過行寄止者小戴記王制東方曰寄呂覽

慎勢註寄作羈羈羈通字

師掌國中失之事 註故書中爲得

國策秦策是秦之計中註中得也史記封禪書與王不相中索隱引三倉中得也呂覽行論以中帝心註中猶得

王舉則從 註故書舉爲與

史記呂后紀蒼天舉直徐廣曰舉一作與

帥四夷之隸 註故書隸或作肆

古時肆字本作隸易與隸混又肆通作肆春官小宗伯肆儀註肆習也史記叔孫通傳羣臣習隸索

隱祿猶習也

司市師涖焉 〔註〕故書涖作立

見上鄉師執斧以涖匠師條

辟布者 〔註〕故書辟爲辭

詩汝墳箋辟此勤勞之處釋文梓此一作辭此

其附於刑者 〔註〕故書附爲拊

詩角弓如塗塗附箋附木桴也正以附爲拊字

人 〔註〕故書滯或作廛

世榮

案廛滯聲轉淮南子原道訓註滯止也司關

註征廛者貨賄之稅與所止邸舍也是廛亦止義

師賈凡國之賣債註故書賣爲買

秋官萍氏註苛察沽買釋文買本作賣

疇疇襲其不正者註故書襲爲習

小戴記曲禮卜筮不相襲疏引金縢一襲古今書
作一習吉文選齊竟陵文宣王行狀龜謀襲吉註
襲與習通

泉貨之滯于民用者註故書滯爲痺

世聲案上廛人註故書滯或爲廛廛壇通字儀禮
士冠禮嘉薦亶時註古文亶爲痺又滯字从帶與
亶單亦音之轉

述
師庀其委積
〔註〕故書庀爲比

鄭司農云比讀爲庀下比叙其事而賞罰又春官
世婦比其器大胥比樂器司農並讀比爲庀夏官
大司馬比軍旅〔註〕比或作庀

稍
人以旬聚待羈旅
〔註〕故書羈作奇

世羣
案羈寄通字奇又从寄省

草
人駢剛用牛
〔註〕故書駢爲挈

世羣
案駢當爲埤說文土部埤赤剛土也駢本假

借字詩駢駢角弓說文引作解義與解近或解挈
形近而假借用也

墳壤用麋

〔註〕墳作盆

鄭司農云墳壤多盆鼠也春秋昭五年叔弓敗莒師于蚡泉公羊作漬泉漬墳通字詩周南以汝墳爲汝墳毛傳墳大防也說文土部坵塵也一曰大防也賈子勸學盆冒楚棘別本盆亦作盆說苑善說豐盆黃卽左傳之苗賁皇也

〔字〕

以權度受之

〔註〕故書受或爲授

見天官司書受其幣條

周禮故書疏證卷二終

門人長汀鄒揚芳校

周禮故書疏證卷三

臨海朱世榮學

春官宗伯

大宗伯

以吉禮事邦國之鬼神示註故書吉或爲告

小戴記緇衣尹吉曰註吉當爲告

以實柴祀日月星辰

註故書實柴或爲賓柴

註謂實柴實牛柴上也

世榮

案實賓形近書堯典

寅賓出日是祀日本有賓義

以血祭祭社稷五祀

註故書祀作禋

夏官小子祈于五祀註故書祀爲禋說文示部祀
或作禋汗簡引古文尚書禋古祀字

以醴辜祭四方百物

〔註〕醴為罷

鄭司農謂罷辜披磔牲以祭釋名釋喪制披擺也
又選西京賦置互擺牲註擺謂披磔縣之王侍郎
引之曰擺俗體字古但作罷世華案秋官犬人醴
辜陸德明本作罷辜正其證也

涖玉鬯

〔註〕故書涖作立

見地官鄉師執斧以涖匠師條

伯小宗

掌建國之神位

〔註〕故書位作立

鄭司農云立讀為位古者立位同字古文春秋經
公即位為公即位春秋左襄三十二年傳辨於其

大夫之族姓班位說苑班位作變立昭二十二年
傳註子朝有欲位之言釋文位本作立金石錄云
古器物銘凡言卽立或言立中庭皆當讀爲位
肄儀爲位〔註〕故書肄爲肄儀爲義

儀禮聘禮爲肄註古文肆爲肄小戴記玉藻肆束
及帶註肆讀爲肆曲禮大夫與士肄內則請肄簡
諒陸德明本並作肆學記宵雅肄三釋文肄本又
作肆春秋左文四年傳臣以爲肄業及之也陸德
明本肄作肆昭三十年傳若爲三師以肄焉釋文
肄本又作肆○儀義見地官大司徒以儀辨等條

肆及其祈珥

〔註〕故書祈爲幾

後鄭謂祈當爲進禋之禋夏官小子祈于五祀註
祈或爲刂引春官肆師職祈或作畿又秋官犬人
凡幾珥註幾讀爲刂說文血部盤以血有所刂涂
祭也徐鍇曰或作祈假借本作幾也據此知幾爲
盤省禋畿並假借字矣

表齋盛

〔註〕故書表爲剽

古表標通字莊子庚桑楚有長而無本剽者宙也
釋文剽本亦作標後漢書崔寔傳剽賣田宅註剽
一作標

則爲位

〔註〕故書位爲涖

易需卦位乎天位鄭氏本上位字讀爲涖春秋僖三年公子友如齊涖盟穀梁傳涖位也

凡師不功

〔註〕故書功爲工

鄭謂古者工與功同字書皋陶謨天工人其代之漢書律歷志作天功益稷苗頑弗卽工史記夏本紀作不卽功小戴記月令功有不當呂覽孟冬紀作工有不當

治其禮儀

〔註〕故書儀爲義

見地官大司徒以儀辨等條

人卷祭門用瓢齊

註故書瓢作剽

鄭司農讀剽爲瓢爾雅釋樂其中謂之剽釋文剽

鄭音瓢

用蜃

註故書蜃或爲謨

世舉

案禮經蜃字異文最夥如蜃車之蜃或作輶

或作輶或作樽之類茲蜃爲酒器當是觶字之譌

說文觶或作觶儀禮多書作觶觶謨亦音之近也

司尊

其朝踐

註故書踐作餞

儀禮士虞禮乃餞註古文餞爲踐

醴齊縮酌

註故書縮爲數齊爲盞

釋名釋姿容寔數猶局縮方言炊簣謂之縮或謂之簣說文簣作簣○杜子春云齊讀皆爲案小宗伯六盞註盞讀爲案世澤案古只以齊爲盞字

司几筵

凶事仍几

〔註〕故書仍爲乃

爾雅釋詁仍乃也文選劉琨勸進表仍承西朝晉書仍作乃

天府

凡國之玉鎮

〔註〕故書鎮作瑱

下典瑞執鎮圭註故書鎮作瑱釋名釋首飾瑱鎮也秋官小行人王執瑱圭釋文瑱宜作鎮音

典瑞執鎮圭

〔註〕故書鎮作瑱

見上條

珍圭 〔註〕珍書亦或爲鎮

廣雅釋詁珍鎮並訓重也

世舉

案汗簡引王庶子

碑鈐古鎮字珍蓋从鈐省假借字

典命掌諸侯之五儀 〔註〕故書儀作義

見地官大司徒以儀辨等條

司服希冕 〔註〕希或作希

鄭謂希讀爲希或作希字之誤也釋文希本又作
希書益稷希繡鄭註希讀爲希詩采芣傳謂希衣

也釋文希本又作希 說文無希字乃
卽希字之省

弁絰服

〔註〕故書弁作紃

小戴記郊特牲周弁說文兒部覓冕也周曰覓又
與籀文覓又弁或覓字又糸部絲馬髦飾也或从
卑作縹玉篇以紃爲縹字世舉案絲有聲音儀禮
士冠禮註弁名出於縹縹弁亦音之轉

廡衣服

〔註〕故書廡爲淫

見天官司裘廡裘條

守

掌守先王先公之廟祧

〔註〕故書祧作濯

世舉

案濯當爲祧字玉篇示部祧古文祧

古洮濯

一字詩大東僂僂公子韓詩外傳僂作僂爾雅
釋魚蜃大者洮釋文洮衆家本作濯並其證也

宗薦加豆籩 〔註〕故書爲籩豆

樂九司播之以八音 〔註〕故書播爲藩

杜子春云藩當爲播讀如后稷播百穀之播書大
傳播國率相行事〔註〕播讀爲藩

樂有皇舞 〔註〕故書皇作壑

見地官舞師教皇舞條

趨以采齊 〔註〕故書趨作踳

世舉案集韻趨或作踳踳蓋踳省

詔來瞽舉舞 〔註〕鼓字或作瞽

大師令奏鼓幘唐石經鼓作瞽釋名釋疾病瞽鼓

也大戴記保傅鼓夜誦詩註瞽與鼓聲誤也詩有
瞽序釋文瞽本作鼓漢書人表以鼓容爲瞽睞字
燕射帥射夫以弓矢舞
〔註〕故書燕爲舞帥爲率射
夫爲射矢

燕舞篆字形近又下有舞字故譌○儀禮大射儀
帥大夫以入註古文帥皆作率覲禮帥乃初事註
今文帥作率
世準案帥率經典通用不可枚舉○
夫矢亦形近下亦有矢字故譌

遂倡之
〔註〕故書倡爲昌

廣雅釋詁昌始也漢書地理志註倡始也又趙充

國傳以昌狂爲猖狂字古猖唱等字只作倡

大令奏擊拊〔註〕故書拊爲付

秋官小司寇附于刑〔註〕故書附作付世舉案附拊

字並从付說文人部付从手持物對人知拊字古

只作付矣

大喪帥瞽而厥作匱〔註〕故書厥爲淫

見天官司裘厥裘條

世奠繫〔註〕故書奠或爲帝

杜子春云帝讀爲定其字爲奠書亦或爲奠又小

史奠繫世〔註〕故書奠爲帝杜子春云帝或爲奠奠

讀爲定書帝亦或爲奠

世榮

案隋書經籍志作定

世繫史記五帝紀有帝繫姓大戴記有帝繫篇

眠繫頌磬笙磬

註頌或作庸

疏引尚書笙庸以間鄭云庸卽大射頌一也又大
司樂疏引鄭註尚書云西方之樂謂之庸庸功也
亦謂之頌頌亦是頌其成也儀禮大射儀頌磬註
古文頌爲庸

典掌六律六同之和

註故書同作銅

鄭司農云陽律以竹爲管陰律以銅爲管白虎通
爵引尚書乃受銅瑁也今書顧命作同瑁

高聲𦘔 〔註〕故書𦘔或作𦘔

𦘔𦘔形近杜子春讀𦘔為鏗鏘之鏗鄭大夫讀𦘔

為袞冕之袞 世犖 案袞字古亦作𦘔說文無𦘔𦘔

字字林𦘔音限考工記輪人欲其𦘔也註𦘔讀如

限切之限說文車部引考工記作𦘔

鍾 納夏 〔註〕故書納作內

詩七月十月納禾稼箋納內也易坎卦納約自牖

京房一行本納作內書禹貢賦納總釋文納本又

作內漢書地理志亦引作內詩烝民出納王命釋

文本作內論語出納之吝陸德明本作出內

籒國祭蜡

註故書蜡爲蠶

世榮

蜡祭之蜡字當从𦵏蜡蠶本音之轉又蜡从

虫咎蠶从𧈧𧈧形亦相近故傳寫或異

卜其經運十

註運或爲緡

鄭謂當爲燁小戴記祭統有舁燁胞翟聞者註燁
周禮作緡考工記函鮑緡韋裘註緡讀爲歷運之
運說文革部緡攻皮治鼓工也讀若運或作緡保
章氏註曰有薄食暈耳釋文暈本又作燁亦作運
據此知緡緡並假借字

氏華遂歛其煖契

註杜子春云書亦或爲俊

俊煖俱从爰聲古假借用

占乃舍萌于四方 〔註〕書亦或爲明 又古書釋菜釋奠

多作舍字

杜子春讀萌爲明白虎通八風清明者清芒也又五行芒之爲言萌也漢書地理志以葭明爲葭萌字○後鄭謂舍讀爲釋句祝舍奠于祖廟註舍讀爲釋儀禮鄉飲酒禮主人釋服大射儀獲而未釋獲註並云古文釋作舍詩行葦舍矢旣均箋舍之言釋也小戴記祭統舍奠于其廟註舍當爲釋

遂令始難毆疫

〔註〕故書難或爲儺

小戴記月令命國難天子乃難命有司大難曰覽

淮南子並作儼論語鄉人儼方相氏疏引作難

曉七日彌八曰敘九曰臍 註故書彌作迷臍作資

彌迷音同衛臣彌子瑕大戴記保傅篇作迷子瑕

註彌當聲誤爲迷也○儀禮士虞禮臍耐爾于爾

皇祖某甫註今文臍爲齊 世罕案齊資古通字

大二曰造 註故書造作竈

天官膳夫以樂徹于造註鄭司農云造謂食之故

所居處也釋名釋宮室竈造也造創食物也

三日誥 註杜子春云書亦或爲告

小戴記緇衣尹吉註吉當爲告告古文誥史記殷
本紀作帝誥書序誥作告周本紀遂告諸侯書序
告作誥又書仲虺之誥墨子非命三引並作告

四曰振動

〔註〕鄭大夫云書亦或爲董

董動並从重聲白虎通五行東方者動方也漢書
人表東不訾韓非說疑作董不識

祭示

〔註〕故書祇爲祔

祇卽示字祇祈古通文選思元賦湯錫體以禱祈
今註祈或爲祔

小大喪贊解

〔註〕故書解爲攝

泚攝字俱从耳王侍郎引之曰喪禮浴尸無稱攝者當以形近而譌

置銘 〔註〕銘今書或作名

鄭司農云銘書死者名於旌夏官司勲銘書于王之大常註銘之言名也儀禮既夕取銘置于重註今文銘皆作名小戴記祭統銘者自名也列子湯問伯益知而名釋文名與銘同

祀于社 〔故〕書祀或作禋

見上大宗伯五祀條

句表貉之祝號 〔註〕書亦或爲禡

杜子春讀貉爲百爾所思之百肆師祭表貉後鄭
云貉師祭也讀爲十百之百詩吉日旣伯旣禱說
文示部引作旣禱旣禱爾雅釋天是禱是禱師祭
也夏官大司馬有司表貉誓民註貉書亦或爲禱
及菹館

司巫

註書或爲菹館或爲租飽

後鄭云菹之言藉也引士虞禮苴刈茅又地官鄉
師共茅菹鄭大夫讀菹爲藉後鄭亦引士虞禮苴
刈茅今檢士虞禮註苴猶藉也漢書郊祀志席用
苴藉註苴如淳讀爲租師古曰茅藉也
世準案館
飽篆形相近菹館爲租飽卽苴苞字小戴記曲禮

註苞苴裹魚肉者也或以葦或以茅卽本註或曰
粗飽茅裹肉之義

男冬堂贈 註故書贈爲贈

小戴記禮運瘞繒註繒或作贈釋文繒本又作增
世榮案繒增增並假借字

王弼則與祝前 註故書前作先

天官大宰前期十日釋文前本或作先

大讀禮書而協事 註故書協作叶

杜子春云叶協也書亦或爲協或爲汁秋官大行
人協辭命註故書協作叶鄭司農云協當爲汁又

鄉士協日陸德明本作汁日說文芻部叶古文協
或从口作叶方言協汁也天官大宰註黑帝汁光
紀小戴記月令註作叶光紀爾雅釋天在未日協
洽史記歷書作汁洽天官書作叶洽書舜典協時
月白虎通漢書律歷志並作叶時月又洪範協用
五紀漢書五行志協作叶師古曰叶讀曰叶又不
協于極伏生傳協作叶

史小奠繫世

〔註〕故書奠爲帝

見瞽瞍世奠繫條

叙昭穆之俎簋

〔註〕故書簋或爲几

鄭司農云几讀爲軌書亦或爲簋古文也儀禮公食大夫禮設黍稷六簋註古文簋皆作軌說文竹部匭古文簋或从軌机亦古文簋世犖案易渙奔其机机卽簋字今本作渙奔其机卽以爲几字矣

巾車

金路鉤

〔註〕故書鉤作拘

春秋左哀二十五年傳以鉤越釋文鉤本或作拘莊子徐無鬼上且鉤乎君釋文鉤本亦作拘荀子宥坐篇埤下裾拘註拘讀曰鉤

鵠纓

〔註〕杜子春云鵠或爲結

古吉告通字方言布穀自關東西梁楚之間謂之

結誥爾雅釋鳥作鵠鵠

朱總 〔註〕故書朱總爲總

釋文總戚云檢字林蒼雅及說文皆無此字唯昌宗音廢以形聲會意求之實所未了李兵廢反亦或作總恐是意改也 世聲案總總乃形之譌王應

麟詩考引說文縞衣總巾今說文實作縞字亦形

譌也 王侍郎引之曰兵廢反當爲邱廢反自丁度修集韻時已誤

鷺總 〔註〕鷺或作鷺

山海經海內經鷺鳥郭註鳳屬也引離騷曰馴玉蚪而乘鷺今離騷作乘鷺詩遵渚箋不宜與鳬鷺

之屬釋文驚本又作翳

有翳

〔註〕故書翳爲駢杜子春云書亦或爲駢

釋文駢駢並音獵

世舉

案禮經翳柳二字其別甚

駢駢當以音近假借用

疏飾小服皆疏

〔註〕故書疏爲楯

杜子春讀楯爲沙典瑞疏璧琮以斂尸註疏讀爲沙古胥疏通字詩緄子曰有疏附漢書王莽傳作胥附春秋左成十四年傳蒲胥之市呂覽行論作蒲疏山海經南山經糲米註糲或作疏

藻車藻蔽

〔註〕故書藻作輶

世聲

案藻莢音近小戴記檀弓莢塗龍輶爲天子之殯飾茲藻車爲王喪車或卽借用莢字加車爲輶也

駢車藿蔽然祺髣飾

〔註〕故書駢作龍髣爲軟

上革車龍勒註龍駢也秋官犬人用駢註故書駢作龍易說卦震爲龍虞翻干寶本並作駢○杜子春讀軟爲黍垸之黍小戴記檀弓衽每束一註衽或作漆或作髣史記貨殖傳木器髣者千數徐廣曰髣漆也世聲案髣卽髣省漆有次音書顧命漆仍几徐邈音漆爲七利反後漢書郡國志蘭陵有

次室亭列女傳漆室之女卽次室之女也

孤乘夏篆

〔註〕故書夏篆爲夏緣

鄭司農云緣黑色或曰夏篆讀爲圭瑑之瑑小戴記禮器大圭不琢註琢當爲篆字之誤也漢書董仲舒傳作良玉不琢世榮案瑑篆緣俱假借字說文車部輶字引此作孤乘夏輶則輶乃本字也

歲時更續

〔註〕故書更續爲受讀

更字古作𠂔形與受近儀禮燕禮大射儀特牲饋食各更爵字古文更並爲受春秋左昭九年傳以更豕韋之後史記夏本紀更作受徐廣曰受一作

更○續讀俱从賣聲詩邨風不可讀也傳讀抽也

小爾雅廣言續抽也史記太史公曰抽史記石室

金鎖之書

世罕

案抽卽讀義

鳴鈴以應雞人

〔註〕故書鈴或作鈴

漢書宣帝紀以鈴車奉迎曾孫註鈴車獵車前有
曲鈴小戴記文王世子夢帝與我九齡疏引皇氏
云謂天以九箇鈴鐸而與武王樊毅華嶽碑垂曜
萬齡婁壽曰漢碑齡皆作鈴

車
僕革車之萃

〔註〕故書萃作平

鄭謂萃猶屏也杜子春云革車當爲軒車釋名釋

車輶屏也文選長伯賦爭湍苹繁苹繁卽屏營字
詩鹿鳴食野之苹傳苹萍也秋官萍氏註萍讀如
小子言平之平書堯典平秩東作釋文平馬作苹

周禮故書疏證

卷之三

三
晉之一

周禮故書疏證卷三終

門人安邑王鳳翰校

周禮故書疏證卷四

臨海宋世榮學

夏官司馬

序
官司勳 〔註〕故書勳作勛

說文力部勛古文勳徐鍇謂古文尚書作此書堯
典放勳史記五帝紀尚書考靈曜並作放勛

司燿 〔註〕故書燿爲燿

燿燿形近廣雅釋器燿炬也儀禮士喪禮楚焯置
於燿〔註〕燿炬也義本相通

大司馬
暴內陵外則壇之 〔註〕壇書亦或爲墠

〔註〕壇讀如同墠之墠詩東門之墠陸德明本作壇

春秋左襄二十八年傳舍不爲壇服虔本作墀

乃以九畿之籍

註故書畿爲近

說文田部畿天子千里地以遠近言之則言畿也
小戴記大學邦畿千里釋文畿本作幾古幾字多
訓近字亦通用

有司表貉誓民

註書亦或爲禡

見春官甸祝表貉之祝號條

比軍衆

註比或作庇

見地官遂師庇其委積條

馬網惡馬

註網書亦爲亢

鄭司農謂網讀爲以亢其讎之亢釋名釋山岡亢也左隱五年註東平剛父縣漢書地理志作亢父小祈于五祀註故書記爲禩

見春官大宗伯以血祭祭社稷五祀條

羊釁積註積故書爲毗

鄭司農云毗讀爲漬釋文毗與漬同春秋公羊莊十七年傳潏積也釋文積本又作漬後漢書光武十王傳毀皆註皆或爲瘠春秋公羊莊二十年傳大瘠也釋文瘠本作漬互詳秋官蜡氏掌除眚條

服不以旌居乏而待獲註待書亦或爲持

儀禮公食大夫禮左人待載註古文待爲持大戴
記禮三本待年而食者荀子禮論待年作持手

司掌羣臣之版 註故書版爲班

儀禮士虞禮以其班祔註今文班爲胖天官腊人
膾胖註杜讀胖爲版互詳秋官朝士有判書條

諸子掌國子之倅 註故書倅爲卒

天官宮正註引此正作卒鄭司農云卒讀如物有
副倅之倅小戴記燕義庶子之卒又國子存游卒
註卒讀皆爲倅

大戒鼓 註故書戒爲駭

名頤駭警也儀禮士冠禮主人戒賓註戒警也

世

案駭字亦作駭戒盡駭省

弁璿玉三采

〔註〕故書璿作璿

說文玉部璿三采玉也初學記太平御覽北堂書鈔並引逸論語璿三采玉也知古字多从璿矣

會五采玉璿

〔註〕故書會作會

鄭司農云讀如馬會之會士喪禮曰會用組乃笄

會讀與會同書之異耳

世

案會字當爲會儀禮

士喪禮作會註古文會皆爲括詩車牽德音來括傳括會也說文骨部會骨槌之可會髮者引詩口

脕弁如星今詩淇澳作會弁廣韻脕脕同字

司廐五兵 〔註〕故書廐爲淫

見天官司裘廐裘條

司弓矢 以授射甲革楯質者 〔註〕故書楯爲鞬

楯鞬音近鞬蓋假借用字

人試其弓弩 〔註〕故書試爲考

小戴記中庸日省月試〔註〕引此作者其弓弩家語
月試作月考

戎右贊牛耳桃茢 〔註〕故書茢爲滅

杜子春云滅當爲厲春官喪祝〔註〕以桃厲執戈釋

文厲記作菊

世榮

案厲古通滅菊音近假借用

以^十及犯軌

〔註〕故書軌作罰

軌罰音近其證俟考

右祭兩軌祭軌乃飲

〔註〕故書軌爲軒軌爲筭

註或讀軒爲簪筭之筭說文車部無軒字軌訓車

輪小穿也釋名釋車軌指也如指而見於轂頭也

世榮

案此物以小穿而見於轂頭如人之簪筭而

見於冠之兩頭故其字从开或卽借用筭字傳寫

者誤以軒與輶內之軌相混劉成國因以如指釋

之小戴記少儀祭左右軌范又以軒爲軌字范卽

軌也戴大史震曰少儀之左右軌卽大馭之兩軹

軹本作軒譌而爲軌軌軹二字少見非改爲軹卽

譌爲軌今檢說文車部軹車軹前也引周禮立當

前軌考工記軹人軹前十尺註鄭司農云軹謂式

前書或作軹然則范範並假借字矣

師國夏房馬註故書房爲訝

地官遺人十里有廬註廬若今野候徙之有房也

是房卽訝字矣

職方其其利金錫竹箭註故書箭爲晉

考工記廬人晉圉釋文晉又音箭儀禮大射儀綴

諸箭註古文箭作晉易彖傳晉進也釋名釋兵箭進也吳越春秋晉竹十圍晉竹卽箭竹字

其浸潁湛

〔註〕湛或爲淮

說文水部潁古文湛字形近淮又書大傳以淫雨爲淮雨論衡明雩久雨爲湛卽淫雨也

其川淮泗其浸沂沭

〔註〕淮或爲睢沭或爲洙

史記建元以來侯表睢陵侯定國索隱漢表作淮陵○沭洙形近小戴記檀弓公叔木註木當爲朱其澤潁曰弦蒲

〔註〕弦或爲汧蒲或爲浦

漢書地理志弦蒲師古曰在汧縣又右扶風汧註

雍州弦蒲藪汧水出則弦蒲卽汧也浦蓋蒲省

訓方氏詞四方之傳道 **〔註〕**故書傳爲傳

儀禮聘禮四傳擯註古文傳作傳史記封禪書其傳在渤海中服虔曰傳音附或曰其傳書云爾漢書五行志傳以洪範師古曰傳字或作傳小戴記檀弓註何傳乎釋文傳本作傳莊子天運魚傳沫釋文傳本作傳又山木隨其爲傳釋文傳本作傳離雜形近又離通作犁亦有雜義

形方氏無有華離之地 **〔註〕**書亦或爲雜

周禮故書疏證卷四終

門人同邑

陳師哲校
盧藩南

周禮故書疏證卷五

臨海宋世榮學

秋官司寇

司烜氏 〔註〕故書燬爲垣

鄭司農云當爲烜後鄭謂烜火也詩汝墳王室如燬釋文齊人謂火曰燬

雉氏 〔註〕書雉或作夷

後鄭謂雉讀如髻小兒頭之髻釋文雉字或作雉
春秋左襄十七年傳五雉爲五工正夷民者也服
虔曰雉者夷也文選甘泉賦列新雉於林薄註雉
夷聲相近

月... 卷之三 書之一

蝟氏

〔註〕掌去鼃蝟書或爲掌去蝟墓

司農謂鼃蝟蝟墓屬說文蝟部鼃蝟墓也

壺涿氏

〔註〕故書涿爲獨

鄭司農云獨讀爲濁其源之濁音與涿相近書亦或爲濁莊子盜跖戰于涿鹿之野釋文涿本或作濁左傳顏涿聚卽史記之顏濁鄒矣

大司

以邦成弊之

〔註〕故書弊爲慙

呂覽音初土弊則草木不長註弊惡方言慙惡也後漢書董卓傳敝腸狗慙註續漢書敝作慙

使其屬蹕

〔註〕故書蹕作避

杜子春云避當爲辟謂辟除姦人也後鄭謂蹕止行也孟子行蹕人可也辟人卽止行義

小司寇

附于刑

又

附刑罰

〔註〕

並云故書附作付

書梓材皇天旣付中國民馬融本付作附史記殷本紀天旣附命漢書孔光傳漢石經並作付命

士師

七日爲邦朋

〔註〕

故書朋作備

鄭司農云備讀如朋友之朋管子幼官練之以散羣備署劉績曰備卽朋字

正之以傅別約劑

〔註〕

故書別爲辯

辯卽辨字詳見天官大宰正稱責以傅別條

朝有判書以治

〔註〕故書判爲辯

辯辨通字說文刀部辨判也又片部版判也夏官司士掌羣臣之版註故書版爲班儀禮士虞禮以其班耐註古文班或爲辨蓋展轉相通字

慮刑貶

〔註〕故書慮爲憲貶爲寔

後漢書鄧禹傳程慮爲祭酒註慮字或爲憲字又耿國傳字叔慮東觀記作叔憲墨子魯問有吳慮者太平御覽引作吳憲○貶寔俱从乏聲又並爲下墜之義古或假借用

人用墜

〔註〕故書墜作龍

見春官巾車駟車條

蟠氏

掌除𦵏

〔註〕故書𦵏作𦵏

鄭司農云春讀爲殯月令曰掩骼埋胔釋文殯又作漬淮南子時則訓作掩骼薶𦵏呂覽孟春紀作掩骼薶𦵏註𦵏讀水漬物之漬小戴記曲禮四足曰漬註引春秋傳大漬也檢公羊春秋莊二十年傳作大瘠漢書食貨志而國亡捐瘠者李奇曰肉腐爲瘠月令註肉腐曰漬

世華

案脊从瘠省

司煩氏

共墳燭庭燎

〔註〕故書墳爲賁

後鄭訓墳大也詩桃夭有賁其實賁亦大義

脩間

宿互榛者

〔註〕故書互爲巨

見天官司會參互條

蘿

春始生而萌之

〔註〕故書萌作蔓

世榮

案蔓當爲蔓說文艸部蔓灌渝讀若萌爾雅

釋草其萌穠蒨卽蔓灌渝字

蠹

掌除蠹物

〔註〕故書蠹爲橐

釋文橐本或作橐儀禮士喪禮設冒橐之註今文橐爲橐春秋左傳楚公子橐師唐石經作橐師又地官掌染草註橐盧釋文橐音託又音如據說文蠹字从艸橐古字省卽假借作橐也

氏亦以蜚炭攻之 〔註〕故書蜚爲晨

史記律書辰者言萬物之蜚也蜚卽蜚字

壺承氏以泡土之鼓毆之 〔註〕故書炮作泡

杜子春讀炮爲苞有苦葉之苞春官大祝炮祭註
炮字當爲包漢書律歷志炮犧路史作泡犧

則以杜樺午貫象齒而沈之 〔註〕故書樺爲梓午爲

五

杜子春云梓當爲樺樺讀爲枯說文木部梓从木

宰省聲或不省作梓 世案梓樺形近又掌殺戮

王之親者宰之註宰之言枯也易大過枯楊生莢

鄭註枯謂無姑爾雅釋木註無姑姑榆也急就篇
註無姑一名棒榆○說文五部五五行也从二陰
陽在天地間交午也徐鍇曰五者午也春秋左成
十七年傳夷羊五國語晉語作夷陽午

大行人

王禮再裸而酢

〔註〕故書裸爲果

鄭司農云裸讀爲灌天官小宰裸將之事註裸之
言灌也考工記玉人裸圭註裸之言灌也或作裸
或作果春官宗伯攝而載果註果讀爲裸

其貢嬪物

〔註〕故書嬪作嬪

春官大宰嬪貢註嬪故書作賓說文頰部頰水涯

人所賓附顓臾不前而止繫傳引詩率土之頒漢書王莽傳作率土之賓史記司馬相如傳仁頒并問徐廣曰頒一作賓

協辭命

〔註〕故書協辭命作叶詞命

鄭司農云叶當爲汁大戴記朝事正作叶詳春官大史讀禮書而協事條○鄭司農云詞當爲辭大戴記朝事正作辭

世筆

案辭詞經典通用甚夥

小行人

則令賻補之

〔註〕故書賻爲傳

世筆

案說文貝部賻爲新附字知古只作傳矣

則令槁贈之

〔註〕槁爲槨

鄭司農云犒當爲犒地官橐人司農云讀爲犒師
之犒又牛人共其犒牛唐石經作犒牛淮南子汜
論犒以十二牛註牛羊曰犒共其枯犒也世犇案
犒字古作橐易與橐混夏官橐人註橐讀爲錫橐
之橐

行焉使則介之

〔註〕故書曰夷使

後鄭訓夷爲發聲小戴記三年問焉使倍之釋文
焉發聲也惠徵君棟謂夷使猶焉使是也

周禮故書疏證卷五終

門人韓城薛兆麟校

周禮故書疏證卷六

臨海宋世榮學

冬官考工記

篇首或通四方之珍異以資之 〔註〕故書資作齊

小戴記昏義爲后服資衰 〔註〕資當爲齊易旅卦喪其資斧釋文子夏傳及衆家並作齊斧

作舟以行水 〔註〕故書舟作周

釋名釋船舟言周流也詩大東舟人之子箋舟當作周春秋左傳申舟呂覽行論 〔註〕作申周孟子華周說苑善說作華舟漢孟郁碑委曲舟市隸釋以舟爲周焦山鼎銘王各于舟廟卽周廟字

貉踰汶則死 〔註〕貉或爲猿

世犖案爾雅釋獸貉子貍或貍猿音近之譌

妍胡之筍 〔註〕故書筍爲筍杜子春云妍書或爲邠

註筍當爲筍唐石經作妍胡之筍王侍郎引之曰

隸書句可相混故漢人說字曰苛者止句也筍字

作筍亦然 世犖案筍又筍字之譌 書酒誥盡執拘

執拘莊子天下君子不爲苛察釋文苛一本作苟並句可相混之證○杜子春云妍

讀爲焚咸邱之焚說文無妍字邑部邠周太王國

卽幽也春官司几筵紛純註紛讀爲幽

凡攻木之工七 〔註〕故書七爲十

七十形近易混轉入軋前十尺註十或作七漢書律歷志度六七師古曰七一作十國策有如臣者十人呂覽不侵作七八

刮摩之工五

註刮作挽

刮挽音轉小戴記檀弓華而脫註脫字或爲刮

函鮑

註鮑書或爲鞞

註引蒼頡篇有鞞說文革部鞞柔革工也讀若朴周禮曰柔皮之工鮑氏鮑卽鞞也鮑乃假借字玉柳雕矢磬

註故書雕或爲舟

周舟一字晉悼公周公羊襄十五年傳作晉侯雕

搏埴之工

〔註〕埴書或爲植

後漢書黨錮傳註埴猶植書禹貢赤埴埴釋文埴
鄭作戠儀禮鄉射禮五職註職今文或作植

無以爲戚速也

〔註〕速書或作數

弓人則莫能以速中註故書速或作數小戴記曾
子問不知其已之遲數註數讀爲速又樂記衛音
趨數煩志註趨數讀爲促速又祭義趨趨以數註
數之言速也莊子人間世以爲棺槨則速腐釋文
速崔本作數

人輪

牙也者

〔註〕牙書或作𪔐

鄭司農云牙讀如跋者訝跋者之訝謂輪輳也世間或謂之罔釋名釋車輶罔也關西曰輳言曲輳也急就篇註輳車輶也說文木部枒木也从木牙聲一曰車輶會也羣經音辨牙車輳也

欲其微至也

〔註〕微至書或作危至

微危音近又危有高義古書多以微爲魏字魏卽魏巍之巍訓高大也書或假借用

取諸圖也

〔註〕故書圖或作員

孟子規矩方員之至也管子法法作方圖說文口部圖天體也徐鍇曰此方員字

必矩其陰陽

〔註〕故書矩爲距

釋名釋形體距矩也小戴記大學絜矩之道陸德明本作拒荀子仲尼篇註距與拒同

萬之以貶其匡也

〔註〕故書萬作禹

鄭司農云讀爲萬書或作矩五經文字萬與矩同禹又從萬省

人輪

四尺者二十分寸之一

〔註〕故書十與上二合爲二

十字

說文十部廿二十併也古文省

謂之庇𡵓

〔註〕故書庇作秘

秘當爲祕祕庇音同其證俟考

與
爲之較崇

〔註〕故書較作權

釋名釋車較在箱上爲辜較也漢書王莽傳辜而
權之應劭註武帝紀作辜權晉灼註鄭當時傳作
辜較又漢書多以辜權爲辜較字

去一以爲樹圍

〔註〕鄭司農云書樹或作輪

司農謂樹讀如繫綴之綴儀禮士喪禮綴足用燕
几註今文綴爲對說文車部樹車橫輪也

飾車欲侈

〔註〕故書侈作移

鳧氏侈弇之所由興註故書侈作移孟子梁惠王

放辟邪侈音義侈丁云本作移又滕文公放辟邪
侈音義張云侈諸本作移誤也儀禮少年饋食被
錫衣侈袂天官追師註唐石經並作移又漢書人
表推侈淮南子主術作推移

人軌

前十尺

〔註〕鄭司農云書或作軌

夏官大馭祭軌註杜子春云軌當爲軌

不伏其轅

〔註〕故書伏作偃

偃字从育說文育部育讀若伏詩谷風偃偃救之
漢書何奴傳作扶伏

必繪其牛後

〔註〕故書繪作餽

鄭司農云鯁讀爲綸關東謂紂爲綸方言車紂自
關而東周洛韓鄭汝潁而東謂之鯁世華案鯁卽
綸字鯁當爲縷廣雅綸縷同字引周禮曰必縷其
牛後莊子秋水綸我必勝我釋文綸本又作踰荀
子彊國大燕鱸吾後鱸踰並假借字也

輶注則利準

〔註〕故書準作水

臬氏然後準之註準故書或作水管子水地水者
萬物之準也說文水部水準也

左不捷

〔註〕書捷或作券

後鄭謂券今倦字也說文力部券勞也徐鉉曰今

俗作倦廣雅釋詁倦止也

世罕

案槌亦止義

凡兩樂謂之銑

註故書樂作樂

樂樂形近易混史記高祖功臣年表慎陽侯樂說

索隱漢表作樂說

侈弇之所由興

註故書侈作移

見上與人飾車欲侈條

以其一爲之深而圓之

註故圖或作圓

廬人註圖圓之也

桌氏

註桌古文或作歷

世罕

案桌歷音同禮經桌階歷階亦一義

然後準之

〔註〕準故書或作水

見上轉人轉注則利水條

其醫一寸

〔註〕故書醫作脣

莊子德充符闢跂支離無脰釋文引簡文註脰脰也又引崔註脰脣同

凡鑄金之狀

〔註〕故書狀作壯

史記秦本紀蜀相壯徐廣曰壯一作狀

鮑人之事

〔註〕鮑故書或作鮑

見篇首函鮑條

察其線

〔註〕故書線或作綜

杜子春云綜當爲糸旁泉蓋篆文綜編形近而譌而脛脂之則需

〔註〕故書需作割

鄭司農云割讀爲柔需之需又輶人馬不契需司農謂需讀如畏需之需割蓋假借字

則雖倣不羴

〔註〕羴故書或作鄰

釋文羴或作鄰輪人不羴于鑿釋文羴本又作鄰

韉人

〔註〕鄭司農云韉書或爲鞠

後鄭謂鞠者以皋陶名官也

世幣

案說文韉字本

从革作韉篆文鞠鞠形近故譌

氏

以況水渥其絲

〔註〕故書況作湄

鄒司農云涓水溫水也說文水部浼財溫水也引周禮曰以浼水漚其絲

淫之以蜃

〔註〕杜子春云淫書亦或爲湛

杜謂淫當爲涅廣雅釋詁沈涅沒也漢書鄒陽傳註引應劭曰湛沒也小爾雅廣詁淫沒也國語周語虞於湛樂註湛淫也爾雅釋天久雨謂之淫論衡明雩篇久雨爲湛淮南子釋山訓淫魚出聽大戴記勸學作沈魚沈卽湛字

玉人命圭七寸

〔註〕故書或云命圭五寸

小戴記郊特牲次路五就註禮器言次路七就與

此乖字之誤也書咸有一德七世之廟呂覽論大
作五世之廟詩七月七月鳴鵙王肅傳七當爲五
古五字如七因譌爲之

裸圭

〔註〕或作裸或作果

裸通作灌裸灌字俱从水故字或假借詳見秋官
大行人王禮再裸而酢條

黃金勺

〔註〕勺故書或作約

詩旱麓箋黃金爲勺釋文勺本作杓史記天官書
杓雲如繩者儀禮既夕註約繩也

以致稍餽

〔註〕餽或作氣

說文米部氣饋客芻米也或从米作粢或从食作
餽論語鄉黨不使勝食氣說文皀部引作食既儀
禮聘禮曰如其饗餼之數註古文餼爲既小戴記
中庸既廩稱事註既讀爲餼

人矢亦弗之能憚矣〔註〕故書憚或作但

但當爲怛鄭司農云讀當爲憚之以威之憚謂風
不能驚憚箭也莊子大宗師無怛化釋文怛驚也
鄭衆註周禮考工記不能驚怛是也

人梓數目顙脰〔註〕故書顙或作脰

鄭司農云脰讀爲鬣頭無髮之鬣說文髟部鬣髮

禿也又頁部顙頭鬢少髮也又覲部覲狼視也引齊景公之勇臣有成覲者今孟子滕文公作成覲

必撥爾而怒

註故書撥作廢

矐公羊春秋襄十七年邾婁子矐卒左氏作矐

莊子讓王則右手廢釋文引李註廢棄也一切經音義引廣雅撥棄也世舉案史記太史公自序秦撥去古文是以撥爲廢字矣

且其匪色

註匪作飛

匪非通字文選盧子諒詩徒煩飛子衛註非與飛

古字通漢蔡湛頌飛陶唐氏隸釋以飛爲非

則必如將廢措 〔註〕故書措作厝

論語則民無所措手足後漢書梁統傳引作則人
無所厝手足孝經而安厝之釋文厝本作措莊子
逍遙游又何厝心于其間哉釋文厝本作措

虞人句兵欲無彈刺兵欲無蝟 〔註〕故書彈或作但蝟或

作綃

說文人部僮字引作句兵欲無彈 世罕案从口从

單字古得通互見上矢人亦弗之能彈矣條 書金

堦王肅本 ○綃胷通字文選黠城賦注胷猶結也

詩東山蛸蛸者蠋據傳蛸蛸亦是結屈之義

人匠置槩以縣 **註**故書槩或作弋

杜子春云槩當爲弋讀爲杙後鄭謂槩古文臬假借字引爾雅曰在牆者謂之弋在地者謂之臬爾雅釋宮註杙槩也說文木部槩弋也又弋部弋槩也爾雅釋宮槩謂之闌儀禮士冠禮布席于門中闌西註古文闌爲槩

人匠環涂七軌 **註**故書環或作環

秋官野廬氏註車有環轅坻開釋文環本亦作環

人匠大汲其版 **註**故書汲作沒

汲汲形近易混

人其博三寸

〔註〕故書博或爲搏

釋名釋姿容搏博也四指廣博亦以擊之也漢書功臣表又搏拊師古曰搏字或作搏

行山者仄輟

〔註〕故書仄爲側

詩賓筵側弁之俄說文人部俄字引作仄弁詩蕩時無背無側漢書五行志引作以亡背亡仄又漢書五行志賈誼鼂錯汲黯等傳註並云仄古側字恆當弓之畏

〔註〕故書畏作威

書皋陶謨天明畏自我民明畏馬融本地官鄉師

書之三
註並作明威洪範威用六極史記宋世家作畏用
六極呂刑德威惟畏小戴記表記引作德威惟威
註威讀作畏

凡昵之類不能方

〔註〕故書昵或作穢

杜子春云穢讀爲不義不昵之昵或爲𦵏𦵏黏也
後鄭謂穢脂膏臚敗之臚臚亦黏也今春秋左隱
元年傳作不義不昵說文日部昵或从尼作昵又
黍部𦵏黏也引春秋傳不義不𦵏或从刃作𦵏釋
名釋地埴膩也黏昵如脂之膩也莊子馬蹄釋文
引膩字作穢儀禮鄉射禮五臟註古文膩爲𦵏今

文或作植

世榮

案櫟植並假借字

夫筋之所由擔

〔註〕故書筋或作薊

爾雅釋地有幽都之筋角焉釋文筋本或作筋五
經文字薊字从角者譌爾雅釋草木山薊顏氏家
訓云近世文士遂讀薊爲筋骨之筋以偶地骨用
之恐失其義

角欲孰於火而無燂

〔註〕故書燂或作朕

燂朕音近古或假借用

角不勝幹幹不勝筋

〔註〕故書勝或作稱

易繫辭貞勝者也釋文姚本作貞稱小戴記樂記

註三體相勝釋文勝一作稱文選演連珠是以物
勝權而衡殆註勝或爲稱

則莫能以速中

〔註〕故書速或作數

見篇首無以爲賊速也條

利射侯與弋

〔註〕故書與作其

春秋左僖二十三年傳懷與安實敗名七經考文
作懷其安

周禮故書疏證卷六終

門人

臨潼田 潤校
三原李錫麟校